

Msimamo wa Msumbiji wawaudhi Makaburu

Uhuru 20/2/1988

CAPE TOWN, Afrika Kusini

UTAWALA wa Makaburu, ukizidisha vita ya maneno dhidi ya nchi jirani zilizo instari wa mbele wa ukombozi Kusini mwa Afrika sasa unailaumu

Msumbiji kutokana na msimamo wake wa kuutaka utawala huo kufanya mabadiliko ya kimisingi ya mfumo wake wa kibaguzi kabla ya mazungumzo ya amani kati ya nchi hizo mbili.

Taarifa iliyotolewa na Waziri wa Mambo ya Nje wa Makaburu, Pik Botha ilikuwa ikizungumzia tamko ambalo lilitolewa na Rais Joaquim Chissano wa Msumbiji wakati wa mkutano wake na Waziri wa Mambo ya Nje wa Ufaransa, Jean-Bernard Raimond.

Botha alimtariri Rais Chissano akisema kuwa mkutano wa amani kati ya nchi yake na utawala wa Makaburu hauwezi kufanyika kabla ya utawala wa Makaburu kufanya mabadiliko ya kimisingi katika mfumo wa kibaguzi unaoendeshwa nchini humo.

Wakati huo huo habari kutoka London zinasema kuwa ndugu wa wazalendo sita waliohukumiwa kunyongwa nchini Afrika Kusini na utawala wa Makaburu wamewasili nchini humo kumtaka Waziri Mkuu, Bibi Margaret Thatcher kusaidia kuwaomba wazalendo hao msamaha.

Kutoka Johannesburg, Afrika Kusini, kuna habari kuwa polisi wa usalama wa makaburu 50 waliivamia nyumba ya mjane Winnie Mandela, mke wa kiongozi wa chama cha ukombozi wa nchi hiyo, cha ANC, Ndugu Nelson Mandela jana.

Bibi Mandela alisema baadaye kuwa polisi hao walikuwa wakitafuta mabango, mashati na kwamba waliondoka na bango moja lililokuwa na mwito wa kutaka kiongozi wa zamani wa ANC Harry Gwala aachiliwe huru.